



Decembar, 2022. godine, broj 8.

Općina Stari Grad Sarajevo

## Dan državnosti BiH: Svečani ručak u Restoranu dobre volje

Povodom 25. novembra, Dana državnosti Bosne i Hercegovine, Općina Stari Grad je, u saradnji sa Udruženjem Pomozi.ba obezbijedila svečani ručak i prigodne poklone za 230 korisnika Restorana dobre volje u Starom Gradu....



VIŠE NA  
LINKU 

## Dan državnosti BiH: Premijera filma „Zmaj od Bosne“ u Općini Stari Grad

Općina Stari Grad i općinski načelnik mr. Ibrahim Hadžibajrić bili su generalni pokrovitelji premijere dokumentarnog film autora Avde Huseinovića „Zmaj od Bosne“ ...



VIŠE NA  
LINKU 

## Sanirane stambene jedinice stanovnika Starog Grada

Kroz projekat sanacije stambenih jedinica građanima koji su u stanju socijalne potrebe od početka 2022.godine u Starom Gradu su sanirane kuće za 22 porodice, a za te namjene utrošeno je 176.000 KM...



VIŠE NA  
LINKU 

## Podijeljeno 200 preh- rambenih paketa poro- dicama slabijeg imovin- skog stanja

Zahvaljujući saradnji općinskog načelnika Ibrahima Hadžibajrića i direktora glavnog ureda Lige muslimanskog svijeta u BiH Abdullaha Qaria 28. novembra je organizovana podjela paketa porodicama slabijeg imovinskog stanja sa područja Općine Stari Grad Sarajevo...



VIŠE NA  
LINKU 



## Dan državnosti BiH: Svečani ručak u Restoranu dobre volje

Povodom 25. novembra, Dana državnosti Bosne i Hercegovine, Općina Stari Grad je, u saradnji sa Udruženjem Pomozi.ba obezbijedila svečani ručak i prigodne poklone za 230 korisnika Restorana dobre volje u Starom Gradu. Ljubav prema domovini pokazuje se brigom za njene građane, posebno najugroženije kategorije, stoga je ovaj ručak

sa korisnicima ove javne kuhinje postao redovna aktivnost općinskog načelnika Ibrahima Hadžibajrića za Dan državnosti BiH. Restoran dobre volje otvoren je početkom prošle godine u starogradskoj ulici Mula Mustafe Bašeskije s ciljem pomoći socijalno ugroženim kategorijama i svim ljudima koji su u potrebi.



Općinski načelnik  
mr Ibrahim Hadžibajrić

„Odlučili smo se da i ove godine organizujemo svečani ručak za korisnike Restorana dobre volje, uz druženje sa njima. Drago mi je što smo ih vidjeli sretno, a čak se i zapjevalo, baš kako i treba kad je praznik. Od prošle godine smo uveli ovaj običaj da imamo svečani ručak sa našim građanima za Dan državnosti i sigurno ćemo to raditi i ubuduće.“



Maja Arslanagić-Hrbat,  
Udruženje Pomozi.ba

Zahvaljujemo se Općini Stari Grad i općinskom načelniku Ibrahimu Hadžibajriću koji su finansirali svečani ručak i prigodne poklone, te tako uveličali ovaj praznik za 230 naših korisnika. Riječ je osobama koje inače sebi ne mogu priuštiti pristojan obrok i ovdje dolaze svakodnevno.“



Remzija Jezo, korisnica  
Restorana dobre volje

Korisnik sam Restorana dobre volje otkako se otvorio. Oni sebe ulažu u sve ovo, mnogo nam pomažu. Hvala svima koji nam pomažu da svaki dan imamo dostojanstven obrok i hvala Općini Stari Grad koja nam je ovo organizovala za Dan državnosti BiH.“



POGLEDAJTE VIDEO PRILOG  
KLIKOM NA IKONICU



## Dan državnosti BiH: Premijera filma „Zmaj od Bosne“ u Općini Stari Grad

Općina Stari Grad i općinski načelnik mr. Ibrahim Hadžibajrić bili su generalni pokrovitelji premijere dokumentarnog filma autora Avde Huseinovića „Zmaj od Bosne“ koja se održala u prepunoj općinskoj sali 1 na Dan državnosti BiH. Riječ je o prvom ikad snimljenom profesionalnom dokumentarnom filmu o čuvenom Husein-begu kapetanu

Gradašćeviću, jednog od najznačajnijih ličnosti u historiji Bosne. Premijeri su prisustvovali ugledni predstavnici političkog, vjerskog i akademskog nivoa. Premijera dokumentarca „Zmaj od Bosne“ najavljen je dan državnosti BiH na press konferenciji u Općini Stari Grad na kojoj su govorili načelnik Hadžibajrić i autor Huseinović



Općinski načelnik  
mr Ibrahim Hadžibajrić

„Prije otprilike dvije godine došlo je do mog susreta sa Avdom Huseinovićem. U tom trenutku se već radilo na produkciji filma nekih četiri-pet godina i to na osnovu izvornih historijskih dokumenata iz Istanbula i Beča. Odlučili smo da Općina Stari Grad pomogne snimanje ovog značajnog dokumentarca. Husein-kapetan borio se za državnu autonomiju Bosne. Nažalost, mi danas imamo izdaje sa svih strana i pokušaje prodaje državi, a nema ti para za koje se država smije izdati“



Avdo Huseinović

„Snimanje dokumentarnog filma o čuvenom Husein-begu kapetanu Gradašćeviću je bila prehrabra odluka, jer mnogi se nisu smjeli uhvatiti u koštac sa ovom pričom. Prelomna je bila podrška načelnika Hadžibajrića za konačnu produkciju ovog filma. Bilo je momenata kada sam želio odustati od snimanja. Srećom, uslijedio je taj susret sa načelnikom Hadžibajrićem, završili smo ovaj film i mislim da je dobro što se tako desilo na kraju. Ljudi trebaju da znaju ko je bio Husein-beg kapetan Gradašćević.“



POGLEDAJTE VIDEO PRILOG  
KLIKOM NA IKONICU



## Sanirane stambene jedinice stanovnika Starog Grada

Kroz projekat sanacije stambenih jedinica građanima koji su u stanju socijalne potrebe od početka 2022.godine u Starom Gradu su sanirane kuće za 22 porodice, a za te namjene utrošeno je 176.000 KM. Porodice koje nisu u mogućnosti da same obnove svoje objekte dobile su pomoć Općine Stari Grad Sarajevo u utopljanju objekata, zamjeni stolarije, sanaciji prostorija, krovnih konstrukcija i nabavci


građevinskog materijala. Općinski načelnik Ibrahim Hadžibajrić u društvu generalnog direktora glavnog ureda Lige muslimanskog svijeta u BiH Abdullaha Qarija posjetio je 17. novembra neke od ovih porodica, te je potvrđeno da projekat ima velike benefite za najugroženije kategorije i da će se nastaviti i u narednoj godini. Liga muslimanskog svijeta spremna je uključiti se i podržati projekat.



Općinski načelnik  
mr Ibrahim Hadžibajrić



Posjetili smo građane čije kuće se nalaze nedaleko od prve linije odbrane tokom agresije na našu zemlju i bile su dosta oštećene. Oni nisu mogli sami sanirati određene dijelove i mi smo im pomogli u tome. Kroz ovaj projekat smo do sada obnovili oko 400 stambenih objekata i drago mi je što je Liga muslimanskog svijeta prepoznala ovaj projekat i što su odlučili da razmotre mogućnost vlastitog učešća i finansiranja. Dogovorili smo da im dostavimo naš program sanacija za narednu godinu koji će biti prosljeđen u glavni ured u Saudijskoj Arabiji gdje će se donijeti odluka o finansiranju.



Safet Drakovac



U ovoj kući živimo supruga, sin, snaha i troje unučadi. Kuća je od betonskih blokova koji su tokom rata oštećeni. Nije se moglo zagrijati. Sa novom fasadom sad je potpuno drugačije i trošimo puno manje drva. Naveče naložimo jednu ili dvije vatre i to je to. Toplije je nego prije kada smo ložili po čitav dan. Nemam riječi kojima bih se dovoljno zahvalio.



POGLEDAJTE VIDEO PRILOG  
KLIKOM NA IKONICU



## Podijeljeno 200 prehrambenih paketa porodicama slabijeg imovinskog stanja iz Starog Grada

Zahvaljujući saradnji općinskog načelnika Ibrahima Hadžibajrića i direktora glavnog ureda Lige muslimanskog svijeta u BiH Abdullaha Qaria 28. novembra je organizovana podjela paketa porodicama slabijeg imovinskog stanja sa područja Općine Stari Grad Sarajevo. Prva podjela organizovana je za stanovnike mjesne

zajednice Mošćanica gdje je pakete dobio 35 porodica sa minimalnim ili nikakvim primanjima. Ostatak paketa porodicama je podijeljen putem mjesnih zajednica u kojima su nastanjeni. Prije podjele paketa, općinski načelnik Ibrahim Hadžibajrić i direktor Abdullah Qari potpisali su Sporazum o saradnji.



Općinski načelnik  
mr Ibrahim Hadžibajrić

Ovo nije prvi put da sa ovom islamskom organizacijom iz Kraljevine Saudijske Arabije dijelimo pomoć porodicama slabijeg imovinskog stanja jer smo i u toku 2018. i 2019. godine zajedno dijelili ramazanske pakete građanima. Naša saradnja će se nastaviti i u toku smo pregovora da se Ured Lige muslimanskog svijeta u BiH uključi u naš projekat sanacije stambenih jedinica socijalno ugroženih porodica.



Abdullah Qari

Pored paketa sa prehrambenim i higijenskim proizvodima, obezbijedili smo i 200 toplih jorgana koji će zasigurno mnogo značiti u zimskom periodu i niskim temperaturama. Liga muslimanskog svijeta, predvođena generalnim sekretarom Muhamadom binom Abdulom Karimom Al-Issom, pokazuje veliku brigu za narod u Bosni i Hercegovini.



Emre Abazi

Živim sa suprugom i petoro djece u romskom naselju na Mošanici. Život je veoma težak, nemam stalan posao i živim od sakupljanja papira i starog željeza. Izražavam veliku zahvalnost načelniku Hadžibajriću na ovoj, ali i svim prijašnjim pomoćima, jer u ovim teškim vremenima sve je od koristi.



POGLEDAJTE VIDEO PRILOG  
KLIKOM NA IKONICU